

اسم الله الواسع | #كلمات_التراويح | د . حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وببكد الخير كله كل واليك يرجع الامر كله. اللهم صل على عبدك ونبيك محمد. صلى الله عليه وسلم في الاولين والآخرين وفي كل وقت وحين. اما بعد. الله - 00:00:01

الله احسن حاجة نبدا بها الكلام. في رمضان ان نتكلم عن الله سبحانه وتعالى. واكثر اسم لابس قلب الواحد الوقتي في بداية رمضان وحاسس ان احنا كلنا محتاجينه. وحاسس انه هيفرق معنا في حياتنا تماما. اسم الله الواسع. اسم الله الواسع في ميزانك يا شيخ ان شاء الله - 00:00:24

اسم الله الواسع. الله اللهم وسع علينا في رمضان. اللهم وسع علينا من رحمتك وفضلك وبركاتك وجودك. وكرمك يا رب العالمين اسم الله الواسع. يعني ايه اسم الله الواسع يا جماعة؟ خدوا بالكم لان اسم الله الواسع هو اصلا اسم واسع. يعني مهما اتكلمنا فيه احنا - 00:00:44

مش هنجيب واحد في الالف من معاني الاسم ده. ودلالات الاسم ده. يقول لك الموسوعة البريطانية. يعني ايه الموسوعة؟ يقول لك وسع كرسيه السماوات يقول لك الواسع في اللغة الحاجة اللي انت مهما حظيت فيها لا يزهر ما وضع فيها. مهما يعني يعني السماوات والارض حاجة - 00:01:04

مزهلة. طب لما تتحط بقى جنب كرسي الرحمن حلقة في فلاة. لا شيء اصلا. يعني ايه كلمة الواسع؟ يعني ايه التوسعة؟ يعني ايه وربنا يوسع عليك. اسم الله الواسع. تخيل لو رحنا لرئيس جمهورية اي جمهورية او ملك اي مملكة وقلنا له والله حضرتك في واحد فقير - 00:01:24

وغلبلان وساكن في منطقة شعبية وعنده مشكلة مع مراته. وبيتهم مهدد بالطلاق وهيخرب وعايزينك تقعد معهم ربع ساعة. انتم مجانين انتم انا وقتي ضيق جدا. انا راجل رئيس دولة. انا هشوف مشاكل الوزراء ولا مشاكل الدول الاخرى ولا - 00:01:44

مشاكل الملفات الخطيرة ولا الاقتصاد ولا التعليم انتم انتم فقير مين انا ما لي فقير وما لي بمشاكل اسرية! انا وقتي ضيق جدا هل الراجل اعمال كبير وقل له حضرتك معلش يعني بس يعني ايه في واحد كده بس عنده مشكلة نص ساعة كده وعاييز يوريك ايه يا عم انا وقتي ضيق. ده انا ما عنديش - 00:02:04

اوعى تقعد مع عيالي. انا ما عنديش وقت اربي عيالي. مشكلة رهيبة. مشكلة ضيق الوقت. مشكلة ضيق المال. مشكلة ضيق الزروف. طب تعال بقى لواحد ملياردير قل له والله حضرتك معلش فيه واحد شاب غلبان متخرج زروف وعاييز يتجوز عاييز مسلا اربعين خمسين الف جنيه يتجوز بهم - 00:02:24

حوالي مية الف جنيه عن المشروع ويبقى جزاك الله خيرا حياة مستقبل شاب واسرة. يا عم انت مجنون! انا لو كل واحد محتاج اديته مية وخمسين الف جنيه. انا في - 00:02:44

جزء هتخلص في اسبوع. انا انا فلوسي محدودة. يبقى يعني ايه الواسع؟ بلا حدود. يعني ايه الواسع؟ اللي قدرته بلا حدود اللي علمه بلا حدود ربنا ربنا مش آآ لا انا هسمع للوزرا رؤساء بس انما ان يقف لي سبعة مليار واحد يقول يا رب - 00:02:54

في وقت واحد ازاى يا جماعة ربنا ما عندوش كده؟ ربنا بيسمع للغني والفقير. ربنا بيدي للكل. ربنا وسع عطاؤه الجميع. ربنا وسع سمعه جميع الاصوات. صوت الملك وصوت الوزير وصوت الغفير. وصوت القوي وصوت الضعيف. ربنا الواسع. ربنا الواسع. فيه ناس

دلوقتي يا اخواني وهو مريض دخل عليه رمضان وهو مريض وحزين ومهموم ومقفول ومش هقدر اصلي تراويح ومش هقدر اصلي تهجد اصل انا تعبان اصل انا عندي مرض مانعني. اصل انا عندي ربنا الواسع. عشان كده شرع واسع. والذين جاهدوا فينا لنهدينهم -

00:03:34

سبلنا اهي كلمة سبلنا دي من اسار اسم الله الواسع. يعني ايه سبلنا؟ ربنا رياض الصالحين بس الفين عبادة. الفين باب للجنة. طيب انت راجل عالي الهمة والصحة عليك. اداك الفين طريق توصل بهم للرضا وللجنة. طب انت راجل على قدك وشقيان على على ولادك ولا عندك او - 00:03:54

محدودة؟ قال لك اي باب من دول يوصلك للجنة. يبقى اداك طريق اختار اللي يناسبك. انت مريض مجرد انك ترضى. ذكر الله انت فقير مش لازم الصدقة. ما ضيقهاش عليك. انت بتشغل طول النهار مش لازم قيام الليل ما ضيقهاش عليك. ما ضيقهاش عليك في اي شيه ابدأ - 00:04:14

شرع واسع. المريض هيلقي طريقة يرضي بها. والفقير هيلقي الطريق هيرضيه بها. والضعيف هيلقي الف طريقة يرضي بها. والغني هيلقي والوزير هيلقي والغفير هيلقي. والمشغول هيلقي والفاضي هيلقي. الله الواسع. اسم بيوسع افكك في التعامل مع - 00:04:34

الله! وبيوسع افكك في الحياة. الواسع الواسع في الواسع في كرمه. اسم الله الواسع يخليك ما تحسدش ابدأ. اصل هتחסد ليه ما اللي ادايق يديك. اللي وصى عليه يوسع عليك. هو اللي عند ربنا خلص؟ هو ربنا ادى لاغنى مية ملياردير في العالم وخلص اللي عنده؟ هو - 00:04:54

ربنا رفع الكبراء واصحاب المراكز وخلص اللي عنده. هي العزة اللي عند ربنا بتخلص. والغنى اللي عند ربنا بيخلص. والملك عند ربنا بيخلص. والثروة اللي عند ربنا بتخلص. ربنا واسع. شف في الجنة بيقول لك جنة عرضها. السماوات والارض السعود والارض - 00:05:14

لحد دلوقتي بس اللي مرصود منهم مية وستين مليار سنة ضوئية. قسمها على البشر كم كم واحد يعني؟ يعني ليوم القيامة كل واحد آآ هيبقى عدد البشرية مية وستين مليار مسلا من ايام ادم ليوم القيامة. مية وستين مية وستين مليار سنة ضوئية. على مية وستين مليار يبقى كل واحد له كم - 00:05:34

مليار مسلا ولا كل واحد لهم مليون؟ سنة ضوئية؟ مش عارف بقى احسبوها انتم بقى. لو يا عم لك مليون سنة ضوئية انا مش قادر استوعبها. لو لك الف سنة ضوئية لو لك قد مجرة التبانة. انت متخيل يعني ايه؟ الدنيا يا جماعة ربنا القصة في التعامل مع ربنا قصة تانية خالص. خالص - 00:05:54

خالص. يعني ايه الواسع؟ انت ابسط طموحك من ربنا ايه؟ انه يجوزك اقصى طموحك من ربنا انه ينجحك في المادتين اللي مستصعبهم. اقصى طموحك من ربنا انه يجيب لك شقة تسكن فيها اقصى طموح لك من ربنا ان دخلك بدل ما هو ثلاث اربع تلاف جنيه يبقى خمس ستلاف او سبع تلاف جنيهه اقصى طموح - 00:06:14

تحريك من ربنا ايه؟ سيدنا سليمان لما عرف اسم الله الواسع قال رب اغفر لي وهب لي ملكا لا ينبغي لاحد من بعد اعظم ملك في التاريخ جه بسبب كلمة يا واسع اديني هذا الملك. جه بسبب كلمة يا رب. جه بسبب كلمة يا رب - 00:06:34

القلب عارف اسم الله الواسع. وعارف سعة قدرة الله. عشان كده ربنا علم النبي عليه الصلاة والسلام انه يقول لليهود قل اتحاجوننا في الله يا عم انت انت انت طالع عينك على اللي ربنا اداه لي ليه؟ يعني انت كبك مسود عشان نعمة ربنا علينا - 00:06:54

غاير ليه؟ حاقدن علينا يا يهود ليه؟ قل اتحاجوننا في الله! في ربنا انتم مستغربين ان ربنا ادى حد غيركم وهو ربنا وربكم. هو ربنا بتاعك انت لوحداك! هو ربنا بيديك وخلص اللي عنده وما عدش عنده حاجة يديني بها! هو هو - 00:07:14

زي ما هو ربك ربي زي ما بالزبط كده ده ابني ده ابني ولله المسل الاعلى. وهو ربنا وربكم. اللي اداك الدين يا عم هو ربنا بتاعك انت

لوحذك ولنا اعمالنا ولكم اعمالكم. واذا كان العمل الصالح هو سبب بعد ربوبية ورحمة الله لعطاء الله ها؟ اذا كان - 00:07:34

فانت اشتغلت وانا اشتغلت. هو انت صمت وصليت وانا ما ما بعبدشي؟ ليه ونحن له مخلصون. وكمان يا عم انا قلبي قولوا لربنا ما

يدينيش ليه؟ الله الواسع. الله الواسع. فاينما تولوا فثم وجه الله. ان الله - 00:07:54

واسع ان الله ايه اللي يجيب اسم الله الواسع عن ولاه المسل الاعلى سعة ملك الله وسعة والله المثل الاعلى لما اب يقول لابنه يا ابني ابوك ملط ملياردير. ابوك يا ابني صاحب مالتى ناشيونال جروب. يا ابني لو سافرت امريكا اسأل عن شركة ابوك هتلاقي ابوك له

فنادق وله انزل - 00:08:14

واتمتع في ملك ابوك. سافرت الهند يا ابني ابوك له هناك. اراضي ومزارع انزل واتمتع. سافرت الصين يا ابني ابوك له هناك شركة سافرت اوروبا سافرت وسط افريقيا. فاينما تولي ابوك عنده شركات. هتلاقي ملك ابوك والله المثل الاعلى. فانما تولوا - 00:08:34
فثم وجه الله روح الشرق هناك الملك ربنا. روح الغرب هناك الملك. ربنا مين اللي بيحكم اوروبا؟ ربنا. مين اللي بيحكم امريكا الجنوبية ربنا سبحانه وتعالى فان الله واسع. انك تعرف سعة ملك الله سبحانه وتعالى. وساعة ملكوت الله. عشان كده اسم الله الواسع -

00:08:54

خليك ما تحسدش حد. تحسد ليه؟ ما هو اللي ادى له. ممكن يديك. مش لان اللي ادى له ربنا فانت كده بتنقم على قدر ربنا. ده معنى

تاني. انما رب - 00:09:14

ربنا واسع ويقدر يديك اكتر بس انت تعرض لفضل الله. وتعرض لسعة عطاء الله وسعة آآ وسعة كل شيء ربنا واسع الرحمة سبحانه وتعالى. وانت شيء ليه ربنا ما يسعكش برحمته؟ وسعت رحمته كل شيء. لما تفتكر اسم - 00:09:24

والله الواسع في الرحمة لان اسم الله الواسع متعلق بالتسعة وتسعين اسم. فهو واسع الرحمة وواسع القدرة وواسع الغنى وواسع المجد واسع في كل اسمائه وصفاته. وافعاله سبحانه وتعالى. فانت لما تفتكر سعة سعة علم الله. يقول لك الموسوعة البريطانية.

فيش معلومة في الدنيا مش موجودة في الموسوعة دي - 00:09:44

الموسوعة الفلانية. موسوعة كزا في الطب. موسوعة كزا في تشريح جسم الانسان. موسوعة كزا في علم الامراض. موسوعة كزا في زراعة مش عارف ايه موسوعة من وسع فواسع العلم سبحانه وتعالى اللي اللي واسع علمه كل شيء سبحانه وتعالى. الله الواسع

يعلم - 00:10:04

كل شيء كل معلومة واسع الملك مية وستين مليار سنة ضوئية ده دي حطة من السما. طب السماوات السبع على بعضها حلقة في فلافل كرسيها وسع كرسيه السماوات والارض. يعني السما والارض دي لو اتحطت جنب الكرسي ولا تبان اصلا. فشوف يعني ايه

الواسع بقى. يعني ايه الواسع - 00:10:24

يعني يعني الموضوع مش ان انا لابس لبس واسع لأ الوسع بتاعك وسع مقيد. وسع نسبي. انا انت لابس ثوب واسع يعني انت مقاسك آآ اتنين اكس ولبست اكس اكس لارج مسلا. ولا خمسة اكس لارج مسلا انما وسع الله سبحانه وتعالى وصفات الله - 00:10:44

وسع مطلق مطلق يغيب فيه اي شيء. ساعة غنى الله يا عبادي لو ان اولكم واخركم وانسكم وجنكم قاموا في صعيد واحد فسألوني

انا عايزة عريس وانا عايز آآ وزيفة وانا عايز شركة عالمية وانا عايز - 00:11:04

في ملك ابقى ملك وانا عايز وزارة. وانا عايز وانا عايز وانا عايز. فسألوني فاعطيت كل واحد منهم مسألته. ما نقص ذلك من ملك الا كما ينقص المحيط اذا ادخل اليم. ابرة حطيتها في المحيط الاطلنطي. ده ده قال لك دي خزائن الله المخلوقة كمان مش غنى الله

الزاتي - 00:11:24

ده خزائن الله المخلوقة ولا شيء اصلا ولا شيء. يعني لو ما فيش واحد غني سيدنا علي كان له كلمة يقول لك انك لن تسع الناس بمالك.

فخص به اهل الفضل. انت مش هتقدر - 00:11:44

انك تدي لكل الناس وتدي لكل اصحاب المشاكل. وعشان كده تلاقوا حتى بتوع العمل الخيري بيتخصصوا. واحد يقول لك انا باحب

اليتامى. واحد يقول لك انا باحب ابن السبيل. واحد يقول لك انا باحب اوي - 00:11:57

تزويج اليتيمات. واحد يقول لك انا باحب اوي اطعام الطعام. واحد ما يقدرش اصلا. ما يقدرش يا سع كل ده. انك لن تسع الناس بمالك. فخذ يا اهل الفضل. ركز في المتدينين بقى وركز في الناس اللي مشغولة بدين ربنا وشف مين اللي محتاج فيهم وخصه به.

شف النصيحة بتاعة سيدنا علي بن ابي طالب ما حدش يقدر - [00:12:07](#)

ولكن ربنا ببسعى. سبحانه وتعالى. ربنا الواسع. الصحابة بيقلولوا للنبي اذا نكثروا. ربنا كريم اوي. قال الله اكثر. مهما كترت اللي عند ربنا مهما كترت جنة ربنا اعظم واوسع واكثر. وعطاء الله اكثر سعة علم الله. سعة ملك الله - [00:12:27](#)

سعة غنى الله سبحانه وتعالى. سعة عطاء الله. كثير من الائمة في التراويح. الله ثم يا حبيب من تحب اليك يا يا ماشي يا عم كل ده كلام جميل. ناجي ربنا به وانت لوحده. يا عم احنا واقفين دلوقتي في موقف مهيب تشهده الملائكة - [00:12:47](#)

ادعم ادعية السنة. اصل ادعية السنة. اللهم زدنا ولا تنقصنا. انت لو عرفت يعني ايه اللهم زدنا ولا تنقصنا. انت ضربت سبعتلاف عصفور بحجر واحد. بسعر واحد قد ايه هو ربنا يعني ساعات كده ايه ربنا اتنا طب ما ربنا اتني يا ابني ربنا الواسع يقدر ادعي زي ما

النبي عليه الصلاة والسلام كان بيدعي ربنا - [00:13:07](#)

مممكن يغير الدنيا دي كلها ويكرم الدنيا دي كلها. في لحزة ربنا واسع الرحمة وواسع العطاء. سبحانه وتعالى. فادعيت السنة بتعلمك انك تدعو الله على ادرك والله يعطيك على قدره سبحانه وتعالى. ومتعنا اللهم باسماعنا وابصارنا وقواتنا ابدا ما ابقيتنا. يعني ايه قوتنا

- [00:13:27](#)

يعني يعني ايه؟ قوتنا. قوتنا دي؟ اه يعني ابقى قوي كده. مين اللي قال لك كده؟ دي نوع واحد من انواع القوة بتاعتك. القوة البدنية. في القوة القوة الذاكرة انك انت تفضل لحد سبعين سنة دماغك دي ما شاء الله. فاكر كل حاجة وتمانين سنة وكل حاجة. في القوة

النفسية. انك يفضل عندك عزيمة زي - [00:13:47](#)

اتجوز وهو عنده تمانين سنة اتعلم القراءات العشر. لسة عندك قوة نفسية. ما بتتكسرش. مهما كبرت نفسيتك قوية في الحياة. زي سيدنا زكريا عنده تسعين سنة هب لي من لدنك وليا. تعمل به ايه؟ هربيه يا رب على العلم بتاعي وعلى العلم بتاعي. قال يعقوب ليه

؟ عشان يشيل الدعوة من بعدي. انت لسة عندك عزيمة تشتغل - [00:14:07](#)

التربية ثلاثين سنة وانت عندك تسعين سنة قوة نفوس. قوة القدرة على انواع القوة كتير اوي يا جماعة. انت لو قعدت يعني وانواع الضعف كتير اوي فانت تخيل انت بقى متعنا اللهم باسماعنا وابصرنا وقواتنا. الكلمة الواحدة في ادعية السنة تضرب الف حاجة. فالله

- [00:14:27](#)

الله سبحانه وتعالى الواسعة. اسم الله الواسع بيعلمنا ايه؟ علمنا حاجات كتير اوي. اوي اوي اوي اوي. عشان كده اكثر اسم من اسماء الله قرن باسم الله الواسع في القرآن هو اسم الله ايه - [00:14:47](#)

العليم كل ايات اسم الله الواسع ما عدا ايتين جاي معها واسع عليم. والله واسع عليم. اشمعنى واسع عليم؟ اسم الله الواسع بيعلمك انك انت تنصف قلبك من جوة لان الواسع ممكن يوسع عليك اوي. بس انت جواك ايه على قد نيتك هيووسع عليك. على قد طهارة

قلبك - [00:14:59](#)

هيووسع عليك وعليم بداخليات كل واحد وبناء على نيتك وداخليتك وطهارتك وظنك بالله انا عند ظن عبدي بك انت اللي زنك بربنا ان اخر قدرة ربنا لو اداك شقة مية وخمسين متر. طب لو انت ظنك بالله ابلي ملكا ربنا واسع سبحانه وتعالى. هو - [00:15:22](#)

مشكلتك انك ما بتطلبش. هي دي مشكلتك الاساسية. انت اللي مش متخيل. عشان كده في الاثر ما وسعتني السماوات والارض ووسعني قلب عبدي المؤمن وسعني قلب عمي الحاجة الوحيدة اللي تسع الاحساس بجلال الله. وهيمنة الله على مقدرات كل شيء هو

قلبك. قلبك كم سيسيه - [00:15:42](#)

قلبك السعة بتاعته قد ايه قلبك السعة الايمانية في معرفة الله بتاعته قد ايه. يسع قد ايه من معاني جلال الله. ومعاني عظمة وكبرياء ومجد وملكوت وجبروت الله. قلبك كام سيسيه في السعة الربانية في معرفة الله سبحانه وتعالى؟ على قد - [00:16:08](#)

دع قلبك لمعرفة الله على قد توسيعة الله عليك. عشان كده مش القصة انك ساكن في شقة تسعين متر. مش القصة انك انت مخنوق

لان شقتك سبعين متر او ستين متر او مية وعشرة متر او والي ساكن في قصر ممكن واحد ساكن في قصر وينتحر. يرمي نفسه من كتر الضيق اللي هو فيه. اسم الله الواسع - [00:16:31](#)

بيقول لك الضيق اللي انت عايش فيه. الضيق اللي انت تلاقيه جوة صدرك. الضيق اللي انت عايش فيه في حياتك. الضيق اللي ناس عايشة في دهو. كل الضيق ده لان احنا مش عارفين اسم الله الواسع. الله قادر انه يوسع اي ضيقة في حياتك ضيق الافق. ضيق -

[00:16:51](#)

الصدر ضيق الزروف. ضيق الاحوال. بتضيق ليه؟ بتضيق لان هي من جوة اصلا ضيقة. وسع زك في الله. ربنا يوسع اخص عليك. ربنا يوسع عليك ولكن وسعني قلب عبدي المؤمن. سعة قلبك قد ايه في معرفته. سبحانه وتعالى. اسم الله الواسع علاج - [00:17:11](#)

علاج لضيق علاج لضيق الوقت. اكبر ازمة في هذا الزمن مش ضيق الفلوس دي الفلوس ازمة خطيرة ولكن عند الاغنيا والرؤساء وطلبة العلم واهل الدين اكبر ازمة هي دي الايه؟ دي الوقت - [00:17:31](#)

اجيب منين يا عم؟ اولادك يا عم بيضيعوا حرام عليك قلبي بيبكي قبل عنيا عليهم. مش لاقى وقت اقعد معهم. يا عم طب انت ما بتحضرش مسلا دراسات عليا. يا عم هو انا لي وقت آآ طب انت ما بتقعدش مع مراتك ليه؟ يا عم انا شقيان. ما عنديش وقت.

المتدينين بقى اطلب علم واشتغل في الدعوة ولا اروح - [00:17:50](#)

اوعى تربى على ايد المشايخ ولا آآ انزل جولات ولا اقعد اعبد واصلي واصوم واقضي نعمتي من طب اعمل ايه في رمضان؟ ده انا طالب عندي مذاكرة في رمضان اعمل ايه في الامتحانات؟ ده انا عندي سانونية عامة اجمع ازاي؟ اجمع ازاي دي ازمة كبيرة. الصحابي

راح للنبي عليه الصلاة والسلام يا رسول الله - [00:18:10](#)

يا رسول الله الصحابي ده مشكلته ايه بالذات؟ مشكلته ان كل ما ان شرائع الدين قد كثرت عليه دي المشكلة بتاعته يعني ايه؟ مش انا كل ما اصلح البنطلون البدلة تضرب اصلح البدلة. الجاكيت مش عارف يا رسول الله اجمع. اصلح قيام الليل النهار يضيع

عندي. وما اعرفش اصحى حتى الظهر - [00:18:30](#)

اقعد جلسة الضحى واطول الاقي نمت صحيت بقى مش عارف اجمع رسول الله. فقال النبي صلى الله عليه وسلم ايه لا يزال لسانك رطبا بذكر الله يعني ايه؟ انقل نفسك بقى. من ضيق امكانياتك المحدودة لسعة الامكانيات بتاعة ربنا اللي بلا حدود - [00:18:52](#)

انتمى لمعية الله ربنا يوسع عليك بقدرته. لا يزال لسانك رطبا بذكر الله. يبقى انت مع الله انا معه حين يذكركني. بقيت في معية الوسع هيوسعها لك. عشان كده اكبر نموزج مزهل في التاريخ بعد النبي عليه الصلاة والسلام. محمد عليه الصلاة والسلام. في الجمع ما بين ما

لا - [00:19:12](#)

ما بينه هو مين؟ سيدنا داود. ازاي كان متزوج؟ ومتزوج كثيرا. وازاي كان ملك؟ وهو عنده ثلاثين سنة. وازاي كان مجاهد في سبيل الله؟ وازاي كان بيصنع الدراع وبيأكل من عمل ايده. وكان بيقوم ليل تلت الليل. وكان بيقعد جلسة الضحى يوميا. وبيقعد من العصر

للمغرب يوميا. تسبيح الاصال. وكان - [00:19:32](#)

احيانا بيقعد من الفجر للمغرب يؤوب وتأوب الجبال والطير معا. وكان بيختم الزبور بينما يسرج له فرسه. وكان احسن صيام وبيصوم يوم تفطر يوم ازاي يا عم! ما قل الايدي! ربنا بيقول لك قل الايدي! قل له هو انت لك ميت ايدا! هو انت ازاي بتعمل السبع تلاف حاجة

في دول - [00:19:52](#)

يقول لك ايه البركة في العمر دي؟ اهي دي ليه؟ عشان ذكره لله الليل مع النهار. فذكره لله انه اواب العشي والاشراق فربنا بقى معه فمعية ربنا سبحانه وتعالى الوسع وسع عليه. فقدر يجمع عالج ضيق الوقت - [00:20:12](#)

الاتصال بالواسع ودوام ذكر الواسع. عالج ضيق الافق بتاعك. ما تبقاش ضيق الافق مع الواسع. ما تبقاش ضيق الافق مع ربنا ابتلاء ابتلائي ليه؟ يا عم يا عم ده ممكن الابتلاء ده انت بعد عشر سنين يعني تبقى ساجد من كتر احساسك بنعمة ربنا - [00:20:32](#)

فيه. يا عم ما بلاش ضيق الافق ده. اول ما تحس انها غيمت يبقى فيه مصيبة على طول يحسبون كل صيحة عليهم. يبقى فيه مصيبة. يبقى فيه كارسة. يبقى فيه ما تتعاملش مع الواسع - [00:20:52](#)

كده ما تعاملش مع ربنا كده. لان انت دماغك ضيقة وافقك محدود. والواسع بيرتب لك و بيدبر لك. ففي حاجات ربنا هيعملها لمصلحتك انت ما انتاش فاهم حكمتها. سلم له بقى. سبحانه وتعالى. عدم ضيق الافق مع الله سبحانه وتعالى. عدم ضيق الصدر مع الناس. اسم الله الواسع يعلمك - [00:21:02](#)

انك تبقى واسع الصدر مع الناس. واسع الصدر مع ولادك. واسع الصدر مع زوجتك. واسع الصدر مع المزنبيين. واسع الصدر على الفقراء والغلبة. واسع الصدر تبقى واسع الصدر. عندك اتساع في الصدر واتساع في - [00:21:22](#)

حياتك وانت تتعامل مع الناس. اسم عظيم قوي يا جماعة. طبعاً رمضان بيزكرنا مهما اتكلما عن اسم الله الواسع والسعة واسار اسم الله الواسع يعني ده اسم دلالاته لا تنتهي. وعطاءاته لا تنتهي. ولكن الاسم ده يعني كل واحد منا هيلاقى له اثر في حياته. اللي عنده ضيق في الوقت - [00:21:42](#)

الذكر الواسع ربنا يوسع لك بها. سبحانه وتعالى ومش قادر يجمع ما بين الحاجات. ازاى انك انت ما عدتش تحسد حد. وانك انت تفهم ان ربنا قادر انه يوسع الكل. من قواعد - [00:22:02](#)

الوصول الى الله الطريق الى الله اذا ازدحم اتسع. ربنا قادر انه يوسع الكل. ربنا قادر انه يخلي كل اللي في المسجد دول ملوك. ربنا يقدر قادر انه يخلي كل اللي في المسجد دول علماء. ربنا يقدر واسع سبحانه وتعالى. فما تضايقهاش على نفسك. ووسع زنك في الله قوي قوي قوي - [00:22:12](#)

ووسع نيتك مع الله قوي في الخير قوي. ووسع افك في معاملة ربنا قوي. واحسن الزن به قوي واطمع فيه قوي وتلف على بابه اوي ، لان اللي عنده ربنا فوق ما تتخيل ولا تتصور. واسع. يقول لك ده فلان ده خياله واسع - [00:22:32](#)
طفل يقعد يقول لابوه شوية انا عايز اروح مكان يكون فيه يا ابني انت خيالك واسع ما فيش حاجة في الواقع كده. يقوم النبي عليه الصلاة والسلام يبجي يقول ان الجنة فيها ما لا عين - [00:22:52](#)

اطول اذن سمعت ولا خطر على قلب بشر. عشان كده اسم الله الواسع يفهمك متى ضيق البشر دلوقتي انت تمسك الموبايل كده واوا! شفت الايفون ده! حاجة خطيرة جدا! وشفت الباور بانك ده اللي انا باشحنه به وانا ماشي! حاجة والايفون - [00:23:02](#)
لا انا اقدر لو اتسرق مني اعرف اللي سرقه في الصين ولا في امريكا من خمسين سنة كان لو حد سمع الكلام ده قالوا له ده بعد خمسين سنة يبقى في حاجة اسمها ايفون وامكانياته كذا. وتكلم الناس من غير يا عم انتم مكانين. انتم مخكم اول ما طلعت الغسالات الاوتوماتيك واحدة كانت عندنا - [00:23:24](#)

في العيلة كده في واحدة بتقول لها الكلام ده كان زمان طبعاً كنت يعني الكلام ده من سنين طويلة جدا جدا يعني. فبتقول لها الغسالة تحطيتها اوتوماتيك. لا تحطي صابون بعد - [00:23:44](#)

ولا تزودي ماية ولا تقعد تعصري. هي تقول لها يا سلام! وقعدت بقى عملت عليها حفلة. على انت عايزة تقولي لي ان فيه غسالة فاهمة لوحدها تعمل الغزة ازاى ؟ فالانسان من ميت سنة لو كان حد كلمه على العربيات دلوقتي كان يقول له انت مجنون. طب بعد خمسين سنة - [00:23:54](#)

هيجي واحد يقول شوفوا المتخلفين اللي كانوا عايشين من خمسين سنة. كانوا شايلين حته بتاع ثقيلة كده. مسمينها البؤر بانك وقال المحمول بتاعهم كان بي فصل بعد يوم ولا بعد يومين وكان يحطوه في حاجة كده اسمها الشاحن. ويعملوها في المتاحف بقى. شوفوا بقى كل اللي في المتاحف ده في يوم - [00:24:14](#)

من الايام كان قمة المجد والانجازات في الحضارة البشرية. في يوم من الايام كانت الناس مزهولة. الوقت في المتاحف بنضحك عليه. كل الحاجات اللي موجودة دلوقتي هيجي يوم تبقى في المتاحف. شفتم البشر زمان يعني كانت حياتهم صعبة ازاى! وكانوا بيغسلوا الهدوم بطريقة صعبة ازاى! اسم الله الواسع بقى. مين اللي وسع على الناس في الافق - [00:24:34](#)

الله. طب ومهما زادوا مهما زادوا كل ده ضيق افق. واللي انت زنه وسع افق. وفاكر نفسك بقى العريف اللي فاهم ادارة وفاهم دنيا وفاهم وفاهم. هيجي واحد بعدك بخمسين سنة هيتريق عليك. انت ضيق اوي. وافقك ضيق قوي. انت صغير قوي. ربنا هو الواسع -

ربنا هو اللي عالم كل حاجة. ربنا هو اللي نوره كاشف كل زلمات الغيب والكون. ربنا هو اللي يعلم كل حاجة الا في مصلحتك واللي مش في مصلحتك اتعامل مع ربنا صح. ما تعاملش مع ربنا بضيق. عشان كده الله سبحانه وتعالى الواسع وسع علينا في رمضان.

وإدانا موسم في كل نهار دعوة مستجابة - 00:25:14

كل فطر دعوة مستجابة. كل ليل دعوة مستجابة. ويتنزل تلتين الليل. الله الواسع. هو كل ده معقولة! ليلة بقرن من الزمان! ليلة العيشة

أما بنخلصها بتبقى على تمانية ونص لحد الساعة ثلاثة الفجر يعني كم يعني؟ سبع تمان ساعات بتمانين سنة بدأ - 00:25:34

الساعة بعشر سنين عبادة! أزي! عشر سنين مشفيين كمان! عمرك لو عشت سبعين سنة ما يصفيش خمس سنين مشافيين عبادة! الله الواسع! الله الواسع سبحانه وتعالى وعشان كده النبي عليه الصلاة والسلام كان في رمضان أجود ما أجود من الريح المرسلة لانك انت

مش خايف. ما تطلع اللي في جيبك هو الواسع مش هيضيقتها عليك - 00:25:54

لازم يبقى عندك حسن ظن في الواسع. انه مش هيضيقي عليك أبدا. ومش هيسييك ومش هيتخلي عنك أبدا. ما تخافش في دي من ضيقة والوسع معك. ما ما تخافش من الفقر والرزاق معك. ما تخافش من كرب والرحمن معك. ما تخافش أبدا انها تضيق عليك في أي

لحظة. والواسع معك عايزين نركز بقى يا جماعة في رمضان - 00:26:14

نركز مع القرآن أوي أوي أوي. لان القرآن اسر من اثار اسم الله الواسع لان ده علم الله سبحانه وتعالى. قرآن كلام الله فكل حاجة فيه معلومات رهبة عن ربنا وعن كل حاجة الواحد بيسمع الوقت في التراويح كل كلمة كل كلمة بتوديك في واذا لقوا الذين امنوا -

00:26:34

قالوا امنا واذا خلوا الى شياطينهم قالوا ان معكم ايه اللي ضيعهم؟ ان علاقتهم بالمؤمنين كانت لقوا لقاءات عابرة اتقابلنا. اتقابلنا مرة

في اتقابلنا مرة في في اتقابلنا لقاءات. انما مع التانيين ان معكم وقتي ودماغي وليل نهار مع بعض. فانت مع مين - 00:26:54

انت ايه اللي في حياتك لقاءات؟ اوعى تكون علاقتك بالدين لقاءات. اتقابلنا في التراويح في رمضان. اتقابلنا في العشرة الاواخر. ان معكم هي اللي بتجيب العقيدة. هي اللي بتجيب فاتوا بسورة من مثله. هات لي حاجة مماثلة للقرآن. مماثلة له في ايه في الشكل

الجميل لأ يا حبيبي. مماثلة في الاعجاز التأثيري - 00:27:14

اهو تعال يا بلال اسمع الايات دي هيقعد يعيط. هات لي واحد بقى يسمع اللي انت هتألفه ويقعد يعيط. آ الاعجاز التغييري اللي

بيسمع القرآن بينبعث وطاقة جبارة. ناحية الصلاة والصيام والتضحية والجهاد. وبذل الروح هات لي كلام - 00:27:34

كلام من عندك يخلي انسان يتغير ويتقلب بالمنزلة ده. زي ما القرآن قلب البشرية كلها بسورة من مثله. ايه الكلام اللي يماثل القرآن في الاعجاز واتوا به واتوا به متشابهة. النفس النعيم واللذة اللي حاصلاها في الجنة. قالوا ده احنا كنا والله برضو في الدنيا في نعيم -

00:27:51

بمعرفة الله. فالمؤمن في جنة في الدنيا والاخرة. كلما رزقوا منها من ثمرة رزق. قالوا كلما رزقوا منها من ثمرة رزقا قالوا هذا الذي

رزقنا من قبل. يعني النعيم اللي في الجنة ده هو مشابه لرزق العمل الصالح في الدنيا. يعني صلاة التراويح اللي انت - 00:28:11

الصلاة دي رزق حجاب بنتك الصغيرة ده رزق. انك ترزق التهجد النهارده ده رزق. الدين رزق زي ما الدنيا رزق. طب انا ما بقومش ليه

؟ رزقك ضيق في الدين. ليه ؟ الواسع. شف انت مشكلتك ايه مع الواسع. ليه الواسع ما وسعش عليك في النقطة دي ؟ ليه الواسع ما

وسعش رزقك - 00:28:31

في الصيام. ليه الواسع ما وسعش رزقك في الذكر؟ ليه الواسعة؟ شف ايه المشكلة بتاعتك؟ استغفر اطلب ادعي تب جاهد عشان ربنا

يوسع عليك في رزق الدين ورزق الدنيا. اللهم وسع علينا ارزاقنا. اللهم وسع لنا ارزاقنا. اللهم وسع لنا - 00:28:51

في الدين والدنيا يا رب العالمين. اللهم وسع علينا في طاعتك وابتغاء مرضاتك. اللهم املأ قلوبنا بالايمان الصادق. اللهم اجعلنا

مخلصين لك مخلصين لك. اللهم وسع لنا في قبورنا مد ابصارنا. اللهم وسع لنا في جنات الفردوس الاعلى - 00:29:11

يا رب العرش العظيم. اللهم اشرح لنا صدورنا ويسر لنا امورنا. اللهم وسع علينا بالحلال. اللهم وسع علينا بالحلال الطيب المبارك يا

ارحم الراحمين. اللهم وسع صدورنا في التعامل مع خلقك يا رب العالمين. اللهم - 00:29:31

برحمتك يا من وسعت رحمتك كل شيء. سعنا برحمتك وكرمك وبرك وجودك وفضلك. يا واسع يا كاسع يا كريم سعنا برحمتك. سعنا

ببرك. سعنا بجودك. اللهم يا واسع يا كريم - 00:29:51

اللهم يا واسع ما انزلته على عبادك الصالحين المخلصين. في رمضان من فتح وبر وجود ومدد ونصر وحفظ وعلم وفهم ويقين. فاجعل لنا منه اعظم حظ ونصيب يا رب وسع علينا في ديننا ودنيانا. وسع علينا يا واسع يا كريم. اللهم امين اللهم امين اللهم امين.

سبحانك اللهم - 00:30:11

وبحمدك اشهد ان لا اله الا انت استغفرك واتوب اليك - 00:30:41